

**Bosna i Hercegovina
Federacija Bosne i Hercegovine
Unsko-sanski kanton
Općina Cazin
OPĆINSKO VIJEĆE**



**Bosnia & Herzegovina
Federation of Bosnia & Herzegovina
Una-Sana Canton
Cazin Municipality
MUNICIPAL COUNCIL**

Broj: 01/V-14-15166/10
Datum, 04.11.2010.godine

Na osnovu člana 13. stav 2. alineja 4. Zakona o principima lokalne samouprave u Federaciji Bosne i Hercegovine («Službene novine Federacije Bosne i Hercegovine», br.49/06), člana 13. stav 1. tačka 3. Zakona o pripadnosti javnih prihoda u Federaciji Bosne i Hercegovine («Službene novine Federacije Bosne i Hercegovine», br.22/06), te člana 40. Statuta općine Cazin, Općinsko vijeće Općine Cazin na svojoj XIII redovnoj sjednici održanoj dana, 04.11.2010. godine, donijelo je:

**ODLUKU
O KOMUNALNIM TAKSAMA I TARIFI
KOMUNALNIH TAKSI**

I OPĆE ODREDBE

Član 1.

Ovom Odlukom propisuju se komunalne takse, njihova visina i način plaćanja na području općine Cazin (u daljem tekstu: Općina).

Član 2.

Komunalne takse plaćaju se za korištenje predmeta, prostora ili pružanja usluga za čije korištenje je propisano plaćanje komunalne takse.

Član 3.

Komunalne takse (u daljem tekstu : takse) plaćaju se za:

1. istaknutu firmu
2. reklamne natpise
3. privremeno zauzimanje javnih površina
4. prodaju roba ili pružanje usluga izvan poslovnih prostorija
5. priređivanje zabavnih igara i igara na sreću
6. organizovanje i držanje žive muzike u ugostiteljskim objektima
7. korištenje prostora za kampove
8. za postavljanje podzemnih i nadzemnih instalacija.

Član 4.

1. **Pod istaknutom firmom** u smislu ove Odluke podrazumijeva se ime pod kojim je registrovano pravno ili fizičko lice posluje.
2. **Pod reklamnim natpisima** u smislu ove Odluke podrazumijevaju se sve vrste istaknutih natpisa na području Općine kojim se reklamiraju proizvodi, usluge i dobra ili trgovački, proizvođački ili uslužni brendovi.
3. **Pod zauzimanjem javnih površina** u smislu ove Odluke podrazumijeva se zauzimanje istih za održavanje javnih manifestacija uz naplatu ulaznica (koncerti, video projekcije i sl.), komercijalnih prezentacija i prigodnih prodaja dobara.
4. **Pod prodajom roba i pružanjem usluga izvan poslovnih prostorija** u smislu ove Odluke podrazumijeva se pružanje ugostiteljskih usluga u ljetnim baštama, izlaganje roba u vitrinama, prodaju roba na pokretnim stolovima, postavljanje i korištenje bankomata i aparata za prodaju proizvoda u originalnom pakovanju i pružanje ugostiteljskih usluga.
5. **Pod priređivanjem zabavnih igara i igara na sreću** u smislu ove Odluke podrazumijeva se priređivanje zabavnih igara putem predmeta, aparata i drugih sredstava gdje je dobitak isključivo u određenom broju igara,

priređivanje igara putem elektronskih ili mehaničkih aparata koji tokom igre omogućuju igraču dobitak u novcu ili žetonima koji su naplativi u novcu, priređivanje igre na automatima u posebnim klubovima (slot-mašine) s mogućnošću višestrukog uloga i dobitka, priređivanje igre klađenja na sportske rezultate i druge neizvjesne događaje.

6. Pod organizovanjem i držanjem žive muzike u ugostiteljskim objektima otvorenog i zatvorenog tipa u smislu ove Odluke podrazumijeva se povremeno ili svakodnevno izvođenje muzičkog programa uz pružanje ugostiteljskih usluga.

7. Pod korištenjem prostora za kampove u smislu ove Odluke podrazumijeva se korištenje slobodnih površina za kampove (šatori, prikolice, automobili) i drugu privremenu upotrebu slobodnih površina.

8. Pod prekopavanjem javnih površina u smislu ove Odluke podrazumijeva se prekopavanje istih radi postavljanja, uklanjanja, izmjene i opravke oštećenih podzemnih instalacija.

Član 5.

Obveznik takse je pravno i fizičko lice koje koristi predmet, prostor ili uslugu za čije korištenje je propisano plaćanje takse. Ako za istu taksu postoje dva ili više obveznika njihova obaveza je solidarna.

Član 6.

Visina taksa utvrđuje se tarifom komunalnih taksa (u daljem tekstu: tarifa) koja je sastavni dio ove Odluke.

Član 7.

Taksena obaveza nastaje u trenutku kad se počinje koristiti predmet, prostor ili usluga za čije korištenje je propisano plaćanje takse.

Obveznik takse dužan je prije početka korištenja predmeta, prostora ili usluge za čije korištenje je ovom Odlukom propisano plaćanje takse na propisanom obrascu podnijeti prijavu Poreznoj upravi – Ispostava Cazin.

Član 8.

Taksa se plaća na način i u rokovima propisanim ovom Odlukom.

Član 9.

Prihodi od taksi uplaćuju se na račun javnih prihoda općinskog budžeta općine Cazin putem poslovne banke.

II PODNOŠENJE PRIJAVE RAZREZ I NAPLATA TAKSE

Član 10.

Porezna uprava Federacije BiH nadležna je za naplatu taksi u skladu sa ovom Odlukom i Zakonom o poreznoj upravi Federacije BiH.

Obveznik takse dužan je Poreznoj upravi – Ispostava Cazin, podnijeti prijavu za razrez takse, na obrascima čiji sadržaj propisuje Općinski načelnik.

Član 11.

Prijava za razrez takse iz prethodnog člana podnosi se do 31.januara tekuće godine za koju se razrez vrši za takse čiji je iznos utvrđen za period od 1 godine.

Promjene nastale poslije 1.januara tekuće godine, odnosno u toku godine, takseni obveznik dužan je prijaviti Poreznoj upravi najkasnije u roku od 15 dana od dana nastanka promjene.

Rok za prijavu ostalih taksa je 3 dana prije početka korištenja predmeta, prostora ili usluga za čije je korištenje propisano plaćanje takse.

Fizičke i pravne osobe koje u toku godine u smislu odredaba ove Odluke postanu obveznici takse, plaćaju taksu u iznosu koji je srazmjernan vremenu od dana nastanka taksene obaveze do kraja tekće godine.

Član 12.

Taksene prijave moraju biti potpune i podnesene u roku.

Porezna uprava ima ovlaštenje da podnese prijavu u ime taksenog obveznika, ako obveznik takse nije podnio prijavu u roku od 15 dana od roka utvrđenog članom 11. Ove Odluke.

Član 13.

Nadležni općinski organ uprave, JU "Komunalno – stambeni fond" Cazi, JKP "Čistoća" Cazin, policijski i inspeksijski organi dužni su mjesečno Poreznoj upravi dostavljati podatke, odobrenja i informacije o korištenju predmeta, prostora i usluga od značaja za evidentiranje, razrez i naplatu takse.

Član 14.

Rokovi za plaćanje komunalne takse su:

- za istaknutu firmu, reklamne natpise, priređivanje zabavnih igara i igara na sreću – taksa se plaća godišnje unaprijed (početkom kalendarske godine za poslovnu godinu) – po podnošenju prijave.
- za privremeno zauzimanje javnih površina, prodaju roba ili pružanje usluga izvan poslovnih prostorija, organiziranje i držanje žive muzike u ugostiteljskim objektima, postavljanje podzemnih i nadzemnih instalacija i korištenje prostora za kampove – taksa se plaća po podnošenju prijave.

Član 15.

Obveznici takse za korištenje predmeta, prostora ili pružanja usluga dužni su nadležnom organu u postupku izdavanja odobrenja za korištenje predmeta, prostora ili usluge za čije je korištenje propisana taksa ovom Odlukom priložiti ovjerenu kopiju taksene prijave podnijete Poreznoj upravi- Ispostava Cazin po dobijanju odobrenja za rad.

III POVRAT TAKSE**Član 16.**

Lice koje je platilo taksu koju po Odredbama ove Odluke nije bilo dužno da plati, kao i lice koje je preplatilo taksu ima pravo na povrat sredstava na osnovu zahtjeva koji podnosi Poreznoj upravi.

Porezna uprava će po osnovu zahtjeva iz stava 1. ovog člana donijeti rješenje u roku od 30 dana po primitku zahtjeva za povrat sredstava.

Član 17.

U dijelu razreza taksi, naplate, zastare, povrata i ostalih radnji koje nisu posebno regulisane ovom Odlukom primjenjivat će se odredbe Zakona o poreznoj upravi.

IV OSLOBADANJE OD PLAĆANJA TAKSE**Član 18.**

Od plaćanja takse oslobođeni su:

1. Organi i tijela državne, federalne, kantonalne i općinske vlasti
2. Obrtnici, poljoprivredni proizvođači i obrtnici iz Uredbe o zaštiti starih tradicionalnih zanata («Sl.novine Federacije Bosne i Hercegovine»,br.66/09 i 38/10)
3. Javne ustanove iz oblasti: prosvjete, nauke, kulture, zaštite kulturne i prirodne baštine, sporta, zdravstva, veterinarstva, socijalne zaštite, humanitarne, vjerske i dobrotvorne organizacije za ostvarivanje ciljeva iz osnovne djelatnosti za koje su registrovani, predškolskog obrazovanja uključujući privatne predškolske ustanove sa registrovanom djelatnosti (šifra 80.101 - predškolsko obrazovanje).
4. Organizacije ratnih vojnih invalida, organizacije porodica šehida i poginulih boraca, organizacije demobilisanih boraca i organizacije civilnih žrtava rata za ostvarivanje ciljeva iz osnovne djelatnosti za koje su registrovani.

Član 19.

Pored oslobađanja iz prethodnog člana, od obaveze plaćanja takse za istaknutu firmu oslobađaju se fizička i pravna lica koja registruju proizvodne djelatnosti i to:

- za prve dvije godine 100%
- za treću godinu 50% od ukupnog iznosa taksene obaveze.

V NAČIN UTVRĐIVANJA VISINE KOMUNALNE TAKSE**Član 20.**

U postupku utvrđivanja visine takse na području općine Cazin kao opći kriteriji uzimaju se:

1. površina prostora po m² koja se koristi
2. zone utvrđene ovom Odlukom u kojima se koriste predmeti, prostori ili pružaju usluge

Područje općine Cazin shodno tački 2.ovog člana dijeli se u 3 zone i to:

A) I Zona

Obuhvat Urbanističkog plana grada Cazina, te obuhvat uz Magistralnu cestu van urbanog područja grada Cazin u širini od 100 m s obje strane mjereno od ivice kolovoza, lijevo i desno do granice sa općinama Velika Kladuša i Bihać.

B) II Zona

Obuhvat uz Regionalnu cestu van urbanog područja grada Cazin u širini od 100 m s obje strane mjereno od ivice kolovoza, lijevo i desno do granice sa općinama Bihać, Bosanska Krupa, Bužim i Velika Kladuša.

C) III Zona

Sva područja koja nisu u obuhvatu I i II zone.

VI TARIFE KOMUNALNIH TAKSA

Član 21.
TARIFA br. 1
(istaknuta firma)

Pod površinom prostora u smislu ove Odluke, za utvrđivanje iznosa takse za istaknutu firmu, podrazumijeva se poslovni prostor utvrđen rješenjem nadležnog organa kojim su utvrđeni tehnički i drugi uslovi za obavljanje registrovane djelatnosti.

Taksa za istaknutu firmu u I zoni utvrđuje se:

- do 25 m² korisne površine prostora150,00 KM/godišnje
- od 25 m² do 50 m² korisne površine prostora200,00 KM/godišnje
- od 50 m² do 100 m² korisne površine prostora 300,00 KM/godišnje
- preko 100 m² korisne površine prostora, taksa se utvrđuje na način da se iznosu od 300 KM za 100 m² korisne površine prostora zbraja iznos od 0,5 KM za svaki naredni m² korisne površine prostora.

Taksa za istaknutu firmu u II zoni utvrđuje se:

- do 25 m² korisne površine100,00 KM/godišnje
- od 25 m² do 50 m² korisne površine prostora150,00 KM/godišnje
- od 50 m² do 100 m² korisne površine prostora250,00 KM/godišnje
- preko 100 m² korisne površine prostora, taksa se utvrđuje na način da se iznosu od 250 KM za 100 m² korisne površine prostora zbraja iznos od 0,5 KM za svaki naredni m² korisne površine prostora.

Taksa za istaknutu firmu u trećoj zoni umanjuje se za 20%, od iznosa utvrđenog u II zoni.

Za poslovne aktivnosti za koje nije propisano postojanje poslovne prostorije plaća se:

- eksploatacija dolomita 2500,00 KM/godišnje
- eksploatacija šljunka1.000,00 KM/godišnje
- ostale mineralne sirovine1.000,00 KM/godišnje
- građevinarstvo (visokogradnje i niskogradnja)..... 900,00 KM/godišnje
- prerada drveta600,00 KM/godišnje
- proizvodnja asfalta i betona600,00 KM/godišnje
- poslovanje nekretninama i iznajmljivanje 800,00 KM/godišnje
- ostale aktivnosti kojima nije uslov postojanje poslovne prostorije.....100,00 KM/godišnje

TARIFA br. 2
(reklamni natpisi)

Taksa za reklamne natpise u I zoni utvrđuje se:

- za 1 m² površine reklamnog natpisa120,00 KM/ godišnje
- za isticanje reklamnog natpisa na tendama komadu 60,00 KM/ godišnje

- za WALLSCAPE (reklamni natpis na fasadi zgrade) površine do 20 m² po komadu.....800,00 KM/ godišnje
- za WALLSCAPE (reklamni natpis na fasadi zgrade) površine preko 20 m² po komadu.....950,00 KM/ godišnje

Taksa za reklamne natpise u II zoni utvrđuje se:

- za 1 m² površine reklamnog natpisa.....100,00 KM / godišnje
 - za isticanje reklamnog natpisa na tendama po komadu.....50,00 KM/ godišnje
 - za reklamu istaknutu na fasadi zgrade površine do 20 m² po komadu.....600,00 km/ godišnje
 - za reklamu istaknutu na fasadi zgrade površine preko 20 m² po komadu.....800,00 KM/ godišnje
- Taksa za istaknute reklamne natpise u III zoni umanjuje se za 20% od iznosa utvrđenog u II zoni.

TARIFA br. 3

- a) za održavanje javnih manifestacija uz naplatu ulaznica (koncerti, video projekcije i sl.).....1,00 KM / m² dnevno
- b) komercijalnih prezentacija i prigodnih prodaja proizvoda5,00 KM / m² dnevno

TARIFA br. 4

(prodaja roba ili pružanje usluga izvan poslovnih prostorija)

a) za pružanje ugostiteljskih usluga van ugostiteljskih objekata plaća se u vrijeme sezone od 01.05. do 01.10:

- u I zoni.....5,00 KM/m² mjesečno
- u II zoni4,00 KM/m² mjesečno
- u III zoni.....3,00 KM/m² mjesečno

b) za usluge iz tačke a) van sezone paušalno se plaća :

- u I zoni.....4,00 KM/m² mjesečno
- u II zoni.....3,00 KM /m² mjesečno
- u III zoni2,00 KM / m² mjesečno

c) za držanje vitrina radi izlaganja i prodaje roba izvan poslovnih prostora plaća se :

- u I zoni.....120,00 KM /mjesečno
- u II zoni100,00 KM /mjesečno
- u III zoni60,00 KM / mjesečno

d) za postavljanje pokretnih stolova radi prodaje na period duži od jednog mjeseca:

- u I zoni.....120,00 KM /mjesečno
- u II zoni100,00 KM /mjesečno
- u III zoni60,00 KM / mjesečno

e) za postavljanje i korištenje bankomata :

- u I zoni.....1.000,00 KM/ godišnje po bankomatu
- u II zoni700,00 KM/ godišnje po bankomatu
- u III zoni500,00 KM/ godišnje po bankomatu

f) za postavljanje i korištenje aparata za prodaju originalnih proizvoda i pružanje usluga:

- u I zoni.....400,00 KM/ godišnje po aparatu
- u II zoni300,00 KM/ godišnje po aparatu
- u III zoni200,00 KM/ godišnje po aparatu

TARIFA br. 5

(priređivanje zabavnih igara i igara na sreću)

a) priređivanje igara na bilijar stolovima, fliperima, pikadu i dr. sredstvima:

- u I zoni.....60,00 KM/ po komadu godišnje
- u II zoni50,00 KM/ po komadu godišnje

- u III zoni..... 30,00 KM/ po komadu godišnje

b) priređivanje igara kladenja na sportske rezultate:

- u I zoni.....1.100,00 KM/ po mjestu priređivanja mjesečno

- u II zoni..... 900,00 KM/ po mjestu priređivanja mjesečno

- u III zoni..... 600,00 KM/ po mjestu priređivanja mjesečno

c) priređivanje igara na sreću putem elektronskih ili mehaničkih mašina i automatima (slot mašine):

- u I zoni.....1. 200,00 KM/ po aparatu godišnje

- u II zoni.....1. 000,00 KM/ po aparatu godišnje

- u III zoni..... 700,00 KM/ po aparatu godišnje

TARIFA br. 6.

(organizovanje i držanje žive muzike u ugostiteljskim objektima)

Za držanje muzike uživo u ugostiteljskim objektima otvorenog ili zatvorenog tipa mjesečno 400,00 KM.

Za držanje muzike uživo u ugostiteljskim objektima otvorenog ili zatvorenog tipa po jednom danu..... 100,00 KM.

Za držanje muzike uživo u ugostiteljskim objektima otvorenog ili zatvorenog tipa tokom praznika 250,00 KM

Za održavanje ostalih sadržaja zabavnog karaktera (cirkus, luna – park i slično) na otvorenim i zatvorenim prostorima (stadioni, trgovi i sportske dvorane, javne površine).....0,50 KM/m².

TARIFA br. 7.

(korištenje prostora za kampove)

Za korištenje slobodnih površina za kampove(šatori,prikolice,automobili) i drugu privremenu upotrebu plaća se:

- za svaki šator..... 1,00 KM/dnevno

- za prikolicu.....3,00 KM/dnevno

- za automobil.....2,00 KM/dnevno

TARIFA br. 8.

a) Za izgradnju trasa dalekovoda, trasa PTT mreže, kablovske TV i slično (nadzemne i podzemne instalacije) po 1 metru dužnom mreže 0,20 KM/godišnje
uz obavezu izvođača radova da javnu površinu dovede u prvobitno stanje

b) Za stubove ulične rasvjete koji su u vlasništvu općine Cazin, a koji se koriste za potrebe kablovske televizije plaća se godišnja taksa u iznosu od..... 10,00 KM/stubu.

TARIFA br. 9.

Za organizovanje korida na području općine Cazin plaća se taksa u izosu od 500,00 KM/dnevno.

TARIFA br. 10.

Za organizovanje autopijaca na području općine Cazin plaća se taksa u izosu od 1.500,00 KM/godišnje.

VII N A D Z O R

Član 22.

Upravni nadzor nad provođenjem ove Odluke vrši općinski organ uprave nadležan za komunalne poslove, a inspekcijski nadzor vrši komunalna inspekcija.

VIII KAZNENE ODREDBE

Član 23.

Novčanom kaznom u iznosu od 2000 KM kazniće se za prekršaj pravno lice koje u roku propisanom ovom Odlukom ne prijavi ili ne plati taksu.

Novčanom kaznom u iznosu od 1000 KM kazniće se za prekršaj odgovorno lice u pravnom licu koje u roku propisanom ovom Odlukom ne prijavi ili ne plati taksu.

Novčanom kaznom u iznosu od 500 KM kazniće se za prekršaj fizičko lice koje u roku propisanom ovom Odlukom ne prijavi ili ne plati taksu.

IX PRELAZNE I ZAVRŠNE ODREDBE

Član 24.

Danom stupanja na snagu ove Odluke prestaje da važi Odluka o komunalnim taksama ("Sl. novine općine Cazin" br.2/05).

Član 25.

Ova Odluka stupa na snagu 8 (osmog) dana od dana objavljivanja u "Službenim novinama općine Cazin".

DOSTAVITI:

1. Općinskom načelniku,
2. Službi za finansije i računovodstvo,
3. Porezna uprava – ispostava Cazin,
4. Sekretar OV-a,
5. Evidencija i
6. Arhiva.

PREDSJEDAVAJUĆI OV-a

Haris Ćoralić